



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

2. De Compassione B. Virginis Matris.

---

[urn:nbn:de:hbz:466:1-60091](#)

tum ob acerrimam eiusdem cum plenissimo rationis iudicio apprehensionem; idque ex insatiabili erga aeternum Patrem, hominesque universos gratuitam amoris affectu, ob has rationes: 1. Ut sic in primo statim vita vestibulo illatam aeterno Patri nostra inobedientia, superbia, carnisque indulgentia contumeliam, tam arduo asperoque satisfactionis remedio expiaret: 2. Ut nobis earundem virtutum exemplum daret, studiumque spiritualis circumcisionis, seu solidae mortificationis inculcaret, gratiam copiosam nobis ad imitationem sui impeareret. Gratitudo, ferox penitentiae & mortificationis.

III. Idem ex nimio pro nobis patienti desiderio, non solum tunc aeterno Patri hoc quasi matutinum sacrificium sanguinis sui deuotissime pro omnibus & singulis, & praesertim Electis representauit, sed insuper ad sacrificium vespertinum in arâ Crucis immolandum, universumque sanguinem suum pro nobis effundendum se paratissimum obtulit. Gratitudo, amor, zelus in amore Crucis Christum imitandi.

## II.

*De compassione B. Virginis.*

I. B. Virgo filiolo ob dirum circumcisionis

sionis dolorem fleti, copiosisque lacrymulis peccatorum nostrorum maculas eluenti intimè compatitur, & collacrymatur: Quam incredibili materni amoris affectu, & doloris sensu intuens simul summam eius innocentiam, & vulnerum nostrorum, pro quibus curandis ipse vulnerabatur, grauitatem? Compassio, Compunctione.

II. Reuerenter eius sanguinem excipit, ardenter æterno Patri offert, plagam diligenter curat, deuotè primitias pretiosi sanguinis cum præputio afferuat, atque hoc præstat eò intensiore reuerentiæ, amoris, ac devotionis excessu, quod clarius eum verum mundi Seruatorem esse cognoscit, & tenerius tanquam suum unicum & æterni Patris filium diligit. Compassio, Gratitudo, amor.

III. Totam sese deinde ad eundem dilectissimum viscerum suorum saucium fouendum, consolandum, omniq[ue] materni obsequij genere demerendum conuertit, simulque ad ardua quæque vñâ cum illo usque ad profusionem sanguinis perpetienda promptissimam offert. Amor, resignatio.